





8212-

- 8216

Augustianie







E X T E N S I O  
U N I V E R S A L I S  
J U B I L Æ I  
I N U R B E C E L E B R A T I  
Anno Domini Millesimo septingentesimo septuagesimo quinto.

A D  
U N I V E R S U M  
C A T H O L I C U M   O R B E M .

P I U S   E P I S C O P U S  
S E R V U S   S E R V O R U M   D E I  
Universis Christifidelibus praesentes Literas inspecturis,  
*Salutem & Apostolicam Benedictionem.*



SUMMA DEI in Nos benignitate, ac singulari beneficio utrumque factum est, ut scilicet Anno magno Jubilæi revertente, Sacras Porras, veteri servata sanctissimarum cæremoniarum religione, auspicato recluderemus, & easdem certa, consuetaque die claudemus. Atque illud quidem IV. Kal. Martii per Nos gestum est, duodecimo nimirum die, ex quo Petri Cathedram adepti Summi Pontificatus apicem tenebamus. Hoc officium statum atque solemne, quo Poenitentia tempus acceptabile, diesque salutis advenisse, atque ad Divinæ misericordiæ thesauros Christifidelibus aditum patere amplissimum significatur, ex humana rerum vicissitudine, fluxaque natura contigit, ut aliquandiu non sine divino consilio retardatum, Nobis reseryaretur. E vivis enim erepto San. Mem. Clemente XIV. Praedecepsore Nostro, qui & Jubilæum vulgatis per universum Orbem Pontificiis Literis indixerat, & ritè sanctissimas Fores aperire in ipso Nativitatis Domini Nostri Jesu Christi pervigilio statuerat; locus humiliati nostre relictus est aggrediendi, perficiendique quod ipse coepit imperfectumque reliquit. Nos igitur per Nos ipsos ad S. Petri Apostolorum Principis Basilicam ritum illum sanctissimum, non sine magna affluentis Populi celebritate, ingentique animi nostri gudio perfolyimus. Nam, ut eodem

A

officio

Aug. 8216 (b)

officio ad D. Pauli, ad Lateranensem, ad S. Marie Majoris Basilicas nostro nomine, atque authoritate perfungentur, Venerabiles tres Fratres Nostros S. R. E. Cardinales designavimus, & Legatos a Latere creavimus. Itaque dispensatione divina factum est, ut a solemni Anni Jubilaei celebritate Pontificatus Nostri ipsa pene initia ducerentur.

Eamdem autem rationem nuper etiam Nos ipsi servavimus, cum divisione Bonitatis largitate ad Natale Servatoris Nos Festum pervertemus, qui dies Postea Sanctæ claudendæ præsca Summorum Pontificium consuetudine statutus est, eundemque ritum antedicti Cardinales, eodem Legationis honore ornati, in suis quisque Basilicis persequunti sunt. Atque ipse etiam existus præclare faustissimis initii respondit.

Benedictus sit omnium bonorum, & omnis egregiae voluntatis author, moderator, perfector Deus, qui Nobiscum misericordiam hanc magram facere non est designatus: Uni trinoque Numini gloria, lausque omnis in hominum memoriam sempiternam; quod in ipso Nostri Pontificatus initio hoc in Nos veluti signum sui favoris extare voluerit, quo ad bene sperandum de re Christiana erigeremur.

Sunt in maxima animi nostri perturbatione, qua dies noctesque angimur, ob Ecclesiarum omnium solitudinem Nobis, licet immeritis, nuperrime demandatais, non leve timori nostro offerri solamen sensimus, quod divina aspirante gratia tantum opus, Urbique huic Nostræ, & Reipublicæ Christianæ universæ tam salutare, feliciter ad exitum perductum esse perspexit. Exultavimus in Domino, lacrymas etiam lætitiae indices non semel emisisimus, cum Urbis amplissimas vias maxima Fidelium multitudine redundantes intuebamur, quorum omnium una mens esset, divinam sibi misericordiam in fletu & cordis amaritudine conciliare. Mirifice quidem recreabamur, cui intelligeremus, civium religionem cum advenarum pietate mutua inter se æmulacione decertare: atque illos quidem Christiana erga hostipes charitate incitatos, nullis impensis pepercisse novimus, nullum resugisse laborem, molestiam nullam aversatos, ut advenientes exciperent, itineribus fractos resicerent, atque omni assiduitate, & cura sublevarent. Hi vero dignam Christiano nomine humilitatem præseferentes, habitu ipso atque incelsu declararunt, quanto illos Fides a patriis regionibus evocasset, atque ad Sanctorum Apostolorum limina adduxisset. Mirus enim in omnibus ardor enitebat, cum supplicantum ritu sancta Urbis adirent monimenta, cum sacratis liminibus oscula figerent, cum longissimos viarum tractus sacris Psalmorum, atque Hymnorum cantieis, flebilique concentu complebant: ut verè dici, prædicarique possit, nullas ab iis partes esse prætermisas, ut vetera illam Poenitentiae formam præcis Ecclesiæ Sæculis usitataam, nostra hac ætate repræsentarent.

Illiud vero incredibili nostrum animum voluptate perfudit, & præcipuum lætitiae nostræ addidit cumulum, quod Regium Juvenem Maximilia-

num Austriaeum ad Sanctam Civitatem advenisse conspeximus, & coram ali-  
loqui, complectique in Domino potuimus. Cujus egregia indoles præclare  
instituta, virtutum omnium exempla non pauca, quamdiu apud Nos ver-  
satus fuit, Civibus plaudentibus, Exteris admirantibus, edidit, cum præ-  
sertim Jubilæi Thesauro sess locupletare sategerit.

Neque verò Venerabilium Sacerdotum tum Sæcularium, tum Regula-  
rium hoc loco prætereunda laus est, quorum opera, diligentiaque potissi-  
mum effectum est, ut Poenitentium multitudini ad misericordiæ fontem  
quam facillimè aditus pateret. Nam Sacramentum reconciliationis, quod  
Christus Dominus in Ecclesia posuit in Sanguine suo, fideliter, ut par est,  
administrantes, ægrotorum atque languentium vulneribus mederi nullo un-  
quam tempore desisterunt. Quapropter in Domino confidimus, & certa spe  
ducimur, solvendi potestate tempore illo acceptabili quam latissimè ex  
Apostolica Indulgentia amplificatam, nulli Fidelium in condemnationem,  
plurius vero ad salutem valuisse. Specramus itaque debiles languore libe-  
ratos, ægros ad sanitatem restitutos, devios ad angustum salutis tramitem  
reductos, omnes denique ita mente, & spiritu renovatos, ut immutabili  
summoque bono in Fide, Spe, & Charitate adhærentes, non modo nequitiae  
fermentum omne deposuerint, sed amplissimum etiam Indulgentiarum The-  
saurum, qui singulis prôpositus erat, plenissime sint conseuti.

In hoc enim Jubilæi summa est, huc recedit illius Anni saluberrima in-  
stitution, ut Christifideles omnes, qua bonorum exemplis, qua exhortatio-  
num incitamentis, qua ærebis iteratisque Ecclesiæ Universæ ad Deum pre-  
cibus excitati, revertentes ad cor, & peccatorum in fletu & gemitu poenit-  
tentiam agentes, primo quidem ex Clavium potestate a culpa penitus libe-  
rentur, mox etiam ex Christi Domini, Sanctorumque omnium, & præser-  
tim Deiparæ Virginis satisfactionibus, quarum dispensationem Nobis com-  
missam Divina liberalitas voluit, poenæ reatu absolvantur.

Uberrimus hic fructus, hoc summum Divinæ largitatis donum, ut ad  
Fideles omnes perveniret, Nos quidem pro amore illo paterno, quo singu-  
las Dominici gregis oves prosequimur, enixis a Deo precibus semel atque  
iterum singulis ferme diebus flagitavimus: remque ex voto cessisse iis argu-  
mentis ad sperandum adducimur, quæ hactenus commemoravimus. Iterum  
igitur Patrem misericordiarum, bonorumque omnium largitorem Deum col-  
laudamus, gratias illi referentes, qui super Nos magnificavit misericor-  
diam suam.

Sed Apostolatus nostri munus haud cumulate explevisse videremur,  
nisi ad cunctos Ecclesiæ Filios oculos, animumque convertentes, & chari-  
tatis spatia dilatantes, illis quoque plenissimam reatum expiationem per  
Domini Nostri Jesu Christi merita exhiberemus. Quare de Fratrum nostro-  
rum S. R. E. Cardinalium consilio decrevimus, universis Christifidelibus,  
qui ubique locorum, & gentium sunt, Thesauros Indulgentiarum aperire,

eosque ad societatem spiritualis hujusmodi boni advocare, & vehementissime hortari, ut dum ad eosdem Thesauros assequendos fese comparabunt, ac pietatis, & debitæ erga Sedem Apostolicam observantia exempla preserentes, indictis se operibus exercebunt maculas peccatorum eluant, & magis magisque in conspectu Jesu Christi nitidiores appareant.

Itaque de Omnipotenti Dei misericordia, ac Beatorum Petri & Pauli Apostolorum ejus auctoritate confisi ex supra ligandi atque solvendi potestate, quam Nobis Dominus, licet indignis, contulit, omnibus & singulis utriusque sexus Christifidelibus in quaunque Mundi parte existentibus, & in Apostolicæ Sedis gratia & obedientia manentibus, etiam iis, qui forsan elapo anno Romam venerunt, ibique, seu alibi quavis ratione, hoc idem Jubilæum a Nobis concessum adepti sunt, verè penitentibus & confessis, & Sacra Communione refectis, qui intra sex menses & die publicationis præsentium in qualibet Diocesi facienda computandos, Ecclesiam ipsius Cathedram, seu Majorem, aliasque tres ejusdem Civitatis, aut Loci, sive in illius Suburbis existentes, ab Ordinariis Locorum, vel eorum Vicariis, aliisque de ipsorum mandato, designandas, semel saltem in die, per quindecim continuos, vel interpolatos dies, sive naturales sive etiam Ecclesiasticos, nimur a primis Vespereis unius diei usque ad integrum ipsius subsequentis diei vespertinum crepusculum, devote visitaverint, ibique pro Sanctæ Matris Ecclesiae exaltatione, Hæresum extirpatione, Catholicon Principum concordia, & Christiani Populi salute & tranquillitate pias ad Deum preces effuderint, ut plenissimam ejusdem Anni Jubilæi omnium peccatorum suorum Indulgentiam, remissionem, & veniam semel consequantur, perinde ac si quatuor Basilicas seu Ecclesias, intra & extra Urbe, pro consequendo Jubilao hujusmodi a Nobis designatas, statutis ad id diebus personaliter visitassent, & alia que ad hoc requirebantur, adimplevisent, misericorditer in Domino concedimus, & impertimur.

Navigantes vero, & iter agentes, ut, si post elapsos menses hujusmodi ad sua se domicilia, seu alio ad certam stationem se receperint, supradictis peractis, & visitata totidem vicibus Ecclesia Cathedrali, vel maiori, aut Parochiali Loci eorum domicilli, suæ stationis hujusmodi, eamdem Indulgentiam consequi possint, & valeant; Neconon prædictis Locorum Ordinariis, ut cum Monialibus, Oblatis, aliquo Puellis, aut Mulieribus, sive in Monasteriorum Clasura, sive in aliis Religiosis, aut piis Domibus, & Communitatibus vitam ducentibus, Anachoretis quoque, & Eremitis, ac aliis quibuscumque tam Laicis, quam Ecclesiasticis Personis, Sæcularibus, vel Regularibus, in carcere, aut captivitate existentibus, vel aliqua corporis infirmitate, seu alio quoevere impedimento detentis, quomodo supra expressas visitationes exequi possint, super præscriptis hujusmodi visitationibus tantummodo: Cum Pueris autem, qui nondum ad primam Communionem admisi sint, etiam super Communionem hujusmodi dispensare:

ac illis omnibus & singulis, sive per se ipsos, sive per eorum carumque Regulares Praefatos, aut Superiores, vel per prudentes Confessarios alia pietatis, charitatis, aut Religiosis opera in locum visitationum hujusmodi, seu respective in locum Sacraentalis Communionis praedictae, ab ipsis adimplenda prescribere: atque etiam Capitulis, Congregationibus tunc Sæcularium, quam Regularium, Sodalitatibus, Confraternitatibus, seu Collegiis quibuscumque, Ecclesiis hujusmodi processionaliter visitantibus, easdem visitationes ad minorem nuinerum pro suo prudenti arbitrio reducere possint & valeant, earundem tenore presentium concedimus pariter, & indulgemus.

Insuper iisdem Monialibus, carumque Novitiis, ut sibi ad hunc effectum Confessarium quemcumque, ad excipiendas Monialium Confessiones ab actuali Ordinario Loci, in quo earum Monasteria constituta sunt, approbatum: exæteris autem omnibus & singulis utriusque sexus Christifidelibus, tam Laicis, quam Ecclesiasticis, Sæcularibus, & ciususvis Ordinis, Congregationis, & Instituti etiam specialiter nominandi, Regularibus licentiam concedimus & facultatem, ut sibi ad eundem effectum eligere possint quincunque Presbyterum Confessarium tam Sæcularem, quam ciusvis, etiam diversi Ordinis & Instituti Regularem, ab actualibus pariter Ordinariis, in quorum Civitatibus, Diecesisibus, & Territoriis Confessiones hujusmodi excipiendas erunt, ad personarum Sæcularium Confessiones audiendas approbatum; qui intra dictum Semestris spatium, illas, & illos, qui scilicet præsens Jubilæum consequi sinecere, & serio statuerint, atque ex hoc animo ipsum lucrandi, & reliqua opera ad id lucrandum necessaria adimplendi, ad confessionem apud ipsos peragendam accedant, & in foro conscientiae dumtaxat, ab Excommunicationis, suspensionis, & aliis Ecclesiasticis sententiis & censuris a jure vel ab homine quavis de causa latitis, seu inflictis, etiam Ordinariis Locorum, ac Nobis, & Sedi Apostolicæ, etiam in casibus cuicunque, ac Summo Pontifici, & Sedi Apostolicæ speciali licet forma reservatis, & qui alias in concessione quantumvis ampla, non intelligerentur concessi, nec non ab omnibus peccatis & excessibus, quantumcumque gravibus & enormibus, etiam iisdem Ordinariis, ac Nobis, & Sedi Apostolicæ, ut perfertur, reservatis, injuncta ipsis poenitentia salutari, aliisque de jure injungendis, absolvere: nec non Vota quæcumque etiam jurata, & Sedi Apostolicæ reservata ( Castitatis, Religionis, & obligatoriis, quæ a tertio acceptata fuerint, seu in quibus agatur de damno tertii, semper exceptis, nec non penalibus, quæ præservativa à peccato nuncupantur, nisi commutatio futura judicetur ejusmodi, ut non minus a peccato committendo refrænet, quam prior Voti materia ) in alia piæ, & salutaria opera comutare: & cum Pœnitentibus hujusmodi in Sacris Ordinibus constitutis, etiam Regularibus super occulta Irregularitate ad exercitium eorundem Ordinum & ad Superiorum, affectuationem ob censurarum

viola.

violationem dumtaxat contracta, dispensare possint & valeant, eadem authoritate, & Apostolice benignitatis amplitudine concedimus, & indulgemus.

Non intendimus autem per praesentes super aliqua alia Irregularitate vel publica vel occulta, seu defectu, aut nota, aliaque incapacitate, aut inhabilitate quoquomodo contractis dispensare, vel aliquam facultatem tribuere super præmissis dispensandi, seu habilitandi, & in primitum statum restituendi, etiam in foro conscientiae; neque etiam ulli Confessario facultatem absolvendi complicem in quolibet in honesto contra sextum Præceptum peccato; aut complici. Confessarium hujusmodi ad effectum præsentium eligendi licentiam impertiri; ut jam in fel. reordinationis Benedicti XIV. Prædecessoris nostri incipien. *Sacramentum Penitentie* anno Incarnationis Dominicæ MDCCXL. Kal. Junii Pontificatus sui Anno I. editis Literis, generaliter declaratum fuit: neque demum easdem præsentes iis, qui a Nobis, & Apostolica Sede, vel ab aliquo Prælato, seu Judice Ecclesiastico, nominati excommunicati, suspensi, interdicti, seu alias in Sententias, & Censuras incidisse declarati, vel publice denunciati fuerint, nisi intra tempus dictorum sex Mensium satisficerint, & cum partibus, ubi opus fuerit, concordaverint; ulla modo suffragari posse, aut debere.

Cæterum, si qui post inchoatum, hujus Jubilæi consequendi animo, præscriptorum operum implementum morte præventi, præfinitum Visitationum numerum complere nequiverint. Nos piæ, promptæque illorum voluntati benignè favere cipientes, eosdem vere penitentes, & confessos, ac Sacra Communione refectos, prædictæ Indulgencie, & remissionis participes perinde fieri volumus, acsi prædictas Ecclesias diebus præscriptis re ipsa visitassent. Si qui autem, post obtentas vigore præsentium absolutiones a Censuris, aut Votorum commutations, seu dispensationes prædictas, fecerunt illud ac sincerum, ad id alias requisitorum, propositum ejusdem Jubilæi lucrandi, ac proinde reliqua ad id luerandum necessaria opera adimplendi, mutaverint; licet propter id ipsum a peccati reatu immunes censeri vix possint; nihilominus hujusmodi absolutiones, commutations, & dispensationes ab ipsis cum prædicta dispositione obtentas, in suo vigore persistere decernimus, ac declaramus.

Sed hujus nostri consilii explicata rationem mittimus præsertim ad omnes Patriarchas, Primates, Archiepiscopos, Episcopos, aliasque Ordinarios Lectorum Prælatorum, sive ordinariam localem jurisdictionem in defectu Episcoporum & Prælatorum hujusmodi legitime exercentes, gratiam & Communionem Sedis Apostolicae habentes, per nomen Domini Nostri & Principis Pastorum omnium Jesu Christi obsecramus, atq; enixa rogamus, ut Populis suæ curæ ac fidei creditis hoc tantum bonum annuntiant, quod inexplicabilem Dei providentiam, summaenque erga Nos charitatem ostendit. Etenim qui tam ampla venie facultate proposita, si non utatur, eam contemnere existimabitur, & propterea indignus erit, cui Deus misericordiam suam impertiatur. In eam igitur

igitur curam incumbant Episcopi messe est, quæ est propria eorum munheris, & officii, ut Christifideles prium per penitentiam veræ salutis Authori Deo reconciliati, Jubilæi gratiam ad salutem animarum suarum reli-giosè convertant.

Quod postremum est, ad Charissimos in Christo Filios Nostros Imperatores Electum, ac Reges, & Principes Catholicos omnes, quorum plerique pro hujus Jubilæi ad eorum Regna atque Dominia extensione suum Nobis desiderium significarunt, supplices, Nobis authoribus, tendit manus Christiana Republica, ut qua autoritate & potentia prædicti sunt, adju-menta omnia præsent ad operandam salutem animarum. Hic enī est finis, quo nostre Pastorales Curæ diriguntur: Cæterum sic pro eorum sapientia probe intelligere debent, una Religione tanquam firmissimo fundamento initi subditorum Populorum erga Principes obedientiam & fidem.

Præsentes quoque Literas per omnia validas & efficaces, suosque plenarios effectus ubicumque publicatæ & executioni demandatae fuerint, sortiri, & obtinere, omnibusque Christifidelibus in Apostolicæ Sedis gratia & obedientia manentibus, in hujusmodi locis commorantibus, sive ad illa post-modum ex navigatione, & itinere se recipientibus plenissimè suffragari volūmus, atque decernimus: Non obstantibus de Indulgētiis non concedendis ad instar, & Universalibus, Provincialibus, & Synodalibus Conciliis editis Constitutionibus, Ordinationibus, & generalibus seu specialibus absolu-tionum, seu relaxationum, ac dispensationum reservationibus, nec non quo-rumcunque etiam Mendicantium, & Militarium Ordinum, Congregationum, & Institutorum, etiam juramento, confirmatione Apostolica, vel quavis firmitate alia roboratis, statutis, legibus, usibus, & consuetudinibus: Privilegiis quoque, Indultis, & Literis Apostolicis eisdem concessis, præsertim in quibus caveatur expresse, quod alicujus Ordinis, Congregationis & Instituti hujusmodi Professores extra propriam Religionem peccata sua con-fiteri prohibeantur; Quibus omnibus & singulis, etiamsi pro illorum suffici-enti derogatione de illis, eorumque totis tenoribus, specialis, specifica, ex-pressa, & individua mentio facienda, vel alia exquisita forma ad id servan-da foret, hujusmodi tenores pro insertis, & formas pro exactissimè serva-tis habentes; pro haec vice, & ad præmissorum effectum dumtaxat plenis-sime derogamus; cæterisque contrariis quibuscumque.

Volumus autem, ut earundem præsentium transumptis, sive Exem-plis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem ab omnibus fides habeatur, quæ ipsis præsentibus haberetur, si exhibitæ forent, vel ostensæ.

Nulli ergo omnino hominum liceat paginam hanc nostræ extensiō-nis, mutationis, commissionis, concessionis, derogationis, decreti, & volun-

tatis infringere, vel ei aūsu temerario contrarie: Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se nōverit incursum.

Datum Romæ apud Sanctum Petrum Anno Incarnationis Dominae Millesimo septingentesimo septuagesimo quinto, Octavo Kalendas Januarii, Pontificatus Nostri Anno Primo.

A. Card. Pro-Datarius,

J. Card. de Comitibus,

V I S A  
De Curia I. Manassei.

Loco  Plumbi,

I. Eugenius

Registrata in Secretaria Brevium.

Anno à Nativitate Domini Millesimo septingentesimo septuagesimo sexto, Indictione octava, die vero Decima Januarii, Pontificatus SSmi Domini Nostri PII PAPÆ VI. Anno Primo, supradictæ Literæ Apostolice ad valvas Basilicæ Principis Apostolorum, & Lateranensis, & S. Pauli extra Muros, necnon S. Maria Majoris, prout similiter ad valvas Cancellariae Apostolice, & Magnæ Curia Innocentiane in Monte Citorio, & in Acie Campi Flore, ac aliis locis solitis, & concutis Urbis, dimissis Copiis, ut moris est, affixe fuerunt per Nos Antonium Besanip, & Josephum Pelliccia SS. D. N. PP. Curatores.

Petrus de Ligne Magister Cursorum.

---

R O M E MDCCCLXXVI.  
Ex Typographia Reverendæ Cameræ Apostolice.

---

RECUSUM CRACOVIAE Typis Seminarii Episcopalis Academicо-Diæcesani,

Regestrum in hoc Libro contentorum

Constitutio Clementis Papa XIIII dea constitutum  
Soc JESU denuo approbatu

Domiescienie kanonizacji Blogoslawionych Japa-  
kantego Józefa Alasantego, Józefal z Lopem-  
tynu Hieronyma Emiliani, Serafina De Mon-  
te Gremaro, Joanny Fremat de Chantal.

Conclusiones Theologicae justa mitem S. Tho-  
me Aquinalis

Dissertatio de Traditionibus

Conclusiones Theologicae de Indulgencj

Kazan kiliwro Wasowskiego Fransziska  
na rozeur Surieta.

Kazanie na Cogrzebie Fr. Brzostowskiego

Kazanie na Komunekracyi Niem Zalowu S. Benedykta

Allocutio S. I. Papae VI in Comitiis Graliby  
Fratrum Ord. Preparatorum

Methodus servanda in ijsdem Comitiis Graliby

Opera w Muzyce na honor S. Stanislawa

Biskupa Krakowskiego

Instructio super Jubilæo Magno  
Extensio universalis Jubilæi ad universum Catho:  
licum Orbem.

tho:

Biblioteka Jagiellońska



stdn0026627

